

UKA2016-mi Naalakkersuisut kalaallinut inuiaqatigiinnut attuumassuteqarnermut inatsisit malittarisassat pillugit nassuiaammik agguasseqqullugit qanorlu ataasiakkaarlutik tulluunnerannut nalilersueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut Nassuiaammi nalilerneqassaaq, innuttaasut pisortanut attaveqartarnerat oqilisarneqarsinnaanersoq kinaassutsimut uppernarsaat, nuna tamakkerlugu atuuttussaq atorneqalersuuppat.

(Inatsisartunut ilaasortaq Michael Rosing, Demokraatit)

Siullermeerinnineq

Akissuteqaat

(Aningaasaqarnermut, Aatsitassanut Nunanullu Allanut Naalakkersuisoq)

Naalakkersuisut sinnerlugit Inatsisartunut ilaasortaq Michael Rosing qutsavigissavara Inatsisartut aalajangiiffigisassaattut siunnersuummik matuminnga saqqummiussaqarpat.

Maj 2014-imi Inatsisartunut ilaasortaq Michael Rosing sammisaaq taanna pineqartoq pillugu § 37 naapertorlugu apeqquummik saqqummiussaqarpoq.

Maj 2014-imi § 37 naapertorlugu apeqquut nr. 095-imut akissutip ilaatut inuiaqatigiit kalaallinut attuumassuteqarnermut inatsisiliornerit 50-it sinnerlugit amerlassuseqartut pillugit ilanngussartaqarpoq. Ilanngussami takuneqarsinnaavoq sumi najugaqarnermut attuumassuteqarnermullu piumasaqaatit inatsisini assigiinngitsuni assigiinngitsuusut.

Inatsisini amerlanerpaani naliliilluareernikkut inuk inatsisinut aalajangersimasunut attuumassuteqarnersoq, tassungalu atasumik pisinnaatitaaffeqarlunilu pisussaaffeqarnersoq paasineqartussaavoq. Naliliilluarnermi pisariaqarpoq oqartussaaffiit ataasiakkaat kinaassusersioratik nakkutigisassagaat inuk pineqartoq inatsimmut aalajangersimasumut ilaanersoq, taakkunanilu pineqarput sumi najugaqarnermut uppernarsaatitigut, cpr.-inut nalunaarsuiffitsigut imaluunniit allatut uppernarsaatissatigut nakkutiginnereernerit.

Akilerartarneq pillugu inatsisiliorneq eqqarsaatigalugu attuumassuteqarneq assersuutigalugu sumi najugaqarnermut uppernarsaat imaluunniit najugaqarfiginissamik piumasaqaat aqputigalugu aalajangersarneqarsinnaanngilaq, tassami pissutsit arlallit allat pingaaruteqarsinnaasarmata "kimut" aamma "piffissap qanoq ilinerani" inuup Kalaallit Nunaannut akilerartarnikkut attuumassuteqalersimanera eqqarsaatigalugu. Matumani inatsisiliornerup pineqartumilu nalinginnaasumik peruserineqartartup paasineqartarnerat aalajangiisuusarput, tassalu qanoq ilineratigut inuk Kalaallit Nunaannut akilerartartussaataassanersoq, siumullu tamanna aalajangiiffigineqarsinnaanani.

Apeqqutaasoq unaavoq nuna tamakkerlugu nunatsinni kinaassutsimut uppernarsaatikkut atuuttuklut angusaqartoqarnerusinnaanersoq, ullumikkut nalinginnaasumik anguneqarsinnaasuninngarnit sumi najugaqarnermut uppernarsaateqarneq, cpr/GER normoqarnerit, nemid-eqarneq, biilersinnaanermut allagartaqarneq aamma paseqarneq aqputigalugit.

Kommunit qarasaasiakkut imminut sullinnermi aaqqiinernut isumannaatsumik kinaassusiinermut atugassanik nemid-inik tunniussisarput. Sumi najugaqarnermut uppersarsaatip uppersarsartarpaa cpr-imik nalunaarsuiffik naapertorlugu Kalaallit Nunaanni najugaqarneq. Biilersinnaanermut allagartaq assitalik isumannaatsumik kinaassusersiinermut atorpeqarsinnaavoq. Pas-i kalaallinit danskinilluunniit pigineqarnerat apeqqutaatinnagu isumannaatsumik kinaassusersiinermik uppersarsaataasarpoq. Ullumikkut innuttaasunut amerlasuunut periarfissaqarpoq isumannaatsumik kinaassusersineqarnissamut aamma Kalaallit Nunaannut attuumassuteqarnerup anguneqarsinnaaneranut nuna tamakkerlugu kinaassutsimut uppersarsaammik attuuttumik atuinnngikkaluarluni.

Nuna tamakkerlugu kinaassutsimut uppersarsaat attuuttoq kissaatigineqassappat pilersinneqarneranut, ingerlanneqarneranut nakkutigineqarneranullu aningaasartuutunik nassataqassaaq.

Nuna tamakkerlugu kinaassutsimut uppersarsaat atuuttoq taamaattuunermigut innuttaasup pisinnaatitaaffiinit pisussaaffiinullu inatsisiliorneq naapertorlugu anguneqarsinnaasunut aqutsisuusinnaangilaq. Inatsisartut piginnaatitaaffigaat pisussaaffigalugulu inatsisiliornermi piumasaaqatinik tamakkuninnga aalajangersaasarnissaq.

Taamaattumik Naalackersuisut isumaqarput nassuiaammik ingerlatsinissamut sulineq naatsorsuutigineqartut inernernik tunniussinaviannngitsoq.

Naalackersuisulli siunnersuutip siunertaa isumaqatigimmassuk qulaaniittut tunngavigalugit taamaasillutik Naalackersuisut siunnersuutip itigartinneqarnissaa inassutigissavaat.

Taamatut oqaaseqarlunga Naalackersuisut sinnerlugit siunnersuut Inatsisartunut suliareqqissaagassannngortissavara.